

## Հպարտություն

Ժամանակը թևես բռնած կը տանի.  
Եւ կուրորեն կը հետևիմ ես անոր,  
Փըճացող հեք իղծերուս տեղ մեկ քանի,  
Մեկ քանի հույս, լույս դընելով ամեն օր:  
Մերթ կը քալեմ գնացքով համր ու տարտամ,  
Յորձանքին հետ մերթ կը վազեմ շուտափույթ,  
Կընկըղմիմ և իսկույն նորեն կը ծփամ,  
Կը ծփամ, վերն է միշտ երկինքը կապույտ:

Փախչի՞լդ ինե, իրավունքդ է, ո՛վ սերդ իմ,  
Ինչպես բուր երազներուս ծերունի,  
Թռչուններու խուճապ, որուն կը ժպտիմ,  
Ժպտով մը, որ լացի շատ կը նմանի:  
Եվ կամքով մը հըզոր սիրուս հավասար,  
Ես անտրտունջ կերթամ ճամփես զարտուղի,  
Յիմա գոցված գիշերով թանձր ու ըստվար,  
Թանձր ու ըստվար՝ վաղորդյանով մը հղի:

**Գրիգոր Զոհրապ**